

明

詩

紀

事

明詩紀事卷二十一

貴陽陳田輯

甲籤

沐英 一首

英字文英定遠人從太祖起兵賜姓朱氏後命復姓
累功封開國輔運推誠宣力武臣西平侯拜征南右
副將軍征雲南事平留鎮雲南卒追封黔寧王謚昭

靖

甲按史博黔甯讀書不釋卷暇則延諸生講說經史及觀其贈掌記劉彥昇之東阿詩亦彬彬乎雅貴也
黔甯鎮滇後凡十年有威惠其卒也多以詩挽之者
內侍李文忠公爲黔甯集如和州潘仁沅州劉有年
慈溪桂慎等詩余皆具錄別卷明興開國武臣儒雅
事首推岐陽武靖王李文忠嘗師事金華名儒范

祖幹胡翰通曉經義史稱其作爲詩歌雄駿可觀余

檢徐大章始豐稿有跋岐陽王雪庭詩卷後云雪庭
詩一首并跋尾岐陽王所製以贈杭僧康上人者也
上人精修白業解行兼至王開府鎮杭親御翰墨爲
之詠贊上人假雪爲號王墓寫雪狀詞旨精詣今惜
不得雪庭詩錄之類國公傳友德有文集傳青主曾
見之今亦不可得又蘄春侯康茂才亦有茫茫江漢
皆魚鼈何處堪容魯仲連之句錄黔南詩附記于此

贈掌記劉彥昺之東阿

大府多軍務頻年案牘勞趨廷宮漏轉簪筆殿香飄柳外流
鶯語花邊立馬驕莫嫌州縣職漢業說蕭何

郭奎

十五首

奎字子章以字行巢縣人明初宋文正開府南昌奎

以儒士爲參謀文正得辨坐不諫誅有望雲集五卷

四庫總目奎當平戎擾攘之際仗劍從軍備嘗險阻
涼深楚一發於詩五言古體原本漢魏頗得遺意七

言古體時近李白五言律體純爲唐調七言律體稍
雜宋音絕句則在唐宋之間元末明初可云挺出趙

訪宋濂皆爲之序推崇甚至莫不誣矣
詩談郭様史子章興洽情真固是逸才如落日平淮

樹

春湖帶皖城東鄰茅屋新煙起南磽石橋春水生

此例佳甚

田按參謀詩天才挺拔俊逸不凡鬱塞磊落之氣時
露毫端如亡家云杖策鄧生猶未遇亡家韓信定誰
依凌風欲便乘槎去天上秋虹跨海飛富池江口夜
泊云華髮青燈共一船聞雞獨起看龍泉風雲未遂
平生志慚愧周瑜長十年草昧英雄望列侯夢中三
十六春秋功名總被儒冠誤兩岸猿嘯一夜愁南康
除夜云十年客淚不曾乾邱隴成行骨肉殘爲報淮
南兄與弟紫髯憔悴未爲官甚賦感士不遇矣

寄李彥端

嘉樹靄夏綠清風動虛襟念君有高趣勞我徑寸心伫立東
城曲日夕見雲岑以茲世故多忘彼升與沈聊樂在書籍佩
玉懷所欽華池散帙步當戶鳴幽禽蘭生已覆井泉響迴出

林醉將山口月彈作絃上音
明月照別鶴遺音戛南金何當
坐松石從爾聽瑤琴

秋日次右司韻

秋水竟長川高亭對孤嶼覽君瑤華篇往往似仙語歡遊繼
晨夕追昔念徂暑揚船濟東湖采蘭臨北渚落日散餘霞輕
風度微雨回瞻城堞表樓觀襲空宇渺渺帝子洲衰草亦萋
只鳬鷺相翔漁歌起前激星霜忽已周遲留感年序睇彼
東南天馳思久凝伫

過皖城弔青陽先生

維舟大江濱攬梯登茲城哲人不復見黃鳥悲且鳴高山尙
巖巖梁木何乃傾忽逢舊耆老向我宣忠貞明公夙有誓慷慨

慨存遺銘死卽爲厲鬼生當殄長鯨應敵旣神武百戰何縱
橫精誠貫白日天子無援兵歲久矢石竭捐軀全令名

贈別

蟋蟀悲歲暮起視夜何其淒淒霜露降蕙草淒以衰薄言予
當往軒車發行遲聊因一杯酒慰此平生知采采西澗蘋悠悠
懷我恩我恩詎能已君心諒不違

次錢子貞薊門感懷

燕支木葉落虛龍秋色來空閨有恩婦清夜悲且哀錦書爲
君寄寶鏡待君開膏沐不復容綠髮栖浮埃團團皎月輝照
彼單于臺馳心在萬里出戶聊裴回

贈李道士

茅山李道士賣藥巢湖上頭戴烏紗巾手持青藜杖雙鬟童
子相隨行向月壘中吹玉笙紫芝采罷忽不見又騎玄鶴登
蓬瀛

新豐市宣城北六十里

過新豐待沽酒雪花當空大如手斷橋荒店無人煙獨有寒
梅伴疏柳憶昔江東未擣兵我亦曾經此地行東家搥牛出
新醡西家開宴還吹笙春風步障千花錦當墟美人頻勸飲
形勢雖非漢祖初彷彿咸陽舊陵寢仁驂慷慨懷馬周我欲
濯髮臨清流斗酒不可得高興良難酬著鞭遙指敬亭路孤

雲日暮心悠悠

九日偶成

良辰惜難再秋序夙已殫登高啟飛閣望遠俯層巒寒菊正
盈把濁醪方具歡微此一日宴客懷殊可歎

寄孫伯融

吳樹綠如蓋越山天下奇遙知戎事暇總是雅歌時國士曾
持節將軍已建旗西宛有名驥安得爲君馳

蘄州營作

樹暗曉鶯困春餘一日殘愁隨花片減夢逐雨聲寒毀譽惟
耽酒辛勤亦枕鞍令人慙陸抗四十未封官

秋興

月下清砧響夜闌征人不寐憶長安霧迷南國遊魂泣草沒
中原戰骨寒直望明河臨象闕誰霑零露捧金盤十年關塞

無家別仗策猶歌行路難

當塗客舍

姑孰溪邊獨倚樓江城二月似深秋孤雲無處求親舍先隴
何人祀首邱花落始知寒食過雁歸渾是夕陽愁故山應有
王孫怨春草淒淒沒盡頭

臘日

臘日三年爲異客今年霜雪未全饑風塵暗滿淮南路霧雨
寒生江上潮鄉夢有時逢骨肉此身何處托漁樵共來吳楚
交兵地烽火依稀似六朝

答王克讓

萬里煙塵海拂波夕陽誰復倒回戈華戎雜處衣冠少吳楚

封疆壁壘多說客成名惟季子功臣改轍在隋何故山猿鶴
應相訴桂樹叢生帶薜蘿

開城卧病

一朝卧病藥相扶纔倚晴窗閑地圖莫說江南風景好王孫
頭白怨蘿蕪

熊鼎一首

鼎字伯穎臨川人元季舉於鄉爲龍溪書院山長參
謀軍事明初徵爲德清縣丞吳元年授中書考功博
士遷起居注出爲浙江按察簽事改山東副使拜晉
王府右傳坐累左遷大同衛知事除晉王府參軍改
刑部主事授岐甯衛經歷召還至西涼朵兒只把叛

不屈死之

田按伯穎嘗與修公子書學士朱升奉命辨五音對
忤旨太祖欲冀諸法伯穎從容論解之曰石音難辨
自古而然唐虞惟后夔能和磬聲且言樂之和由人
所致人君能致中和則萬民和萬物和而樂音和矣
太祖怒解釋升不問可謂名對不徒以節義顯也

長安懷古

立馬平原望故宮
關河百二古今雄
南山雙闕阿房近
北斗連城渭水通
龍去野雲收王氣
鶴巢陵樹起秋風
英雄事業昭前哲
看取秦皇漢武功

夏煜

一首

煜字允中江甯人明初辟爲中書省博士調浙東分
省擢總制浙東諸府

康郎山奉旨

三軍戰罷日重輪，好雨東來爲洗塵。
絕壁秋聲清漱玉，白沙月色爛堆銀。
氣成龍虎知王者，兆應熊羆得老臣。
半夜內官催草檄，燭花影裏繡衣新。

田按史稱太祖征陳友諒，儒臣惟劉基、夏煜侍鄱陽戰勝。太祖所與草檄賦詩者，煜其一也。此詩半夜內官催草檄，燭花影裏繡衣新，當卽紀其事也。

吳去疾一首

去疾字去疾，安慶人給事中。

酬李卿

李卿好客天下無，日日相過惟酒徒。
眼花耳熱不復醉，瓶罄樽空還復沽。
去年解后留君第，第七日疏狂淹客途。
近有新詞尋未近，有新詞。

來寄我洒然清興滿江湖

陶誼一首

誼字漢生天台人洪武初秘書監丞進局外郎

田按漢生與劉子高等賦郊禋慶成詩宋景濂作序事具子高詩後

送人從役

沅湘南去遠古戎楚雲邊山雨蟲蛇出江天
蠛𧔢懸相思知後夜重會更何年喜得風濤靜官船任晝眠

送魏司業出守姑蘇

東吳父老候麾旌阜蓋朱旛五馬榮名都暫須煩魏相諸生
久恨失陽城麟符剖玉君恩重燕牋凝香苑牘清指日徵黃

小丹詔文看環珮入承明

谷宏 一首

宏閩人一作新澑人中書舍人

行經華陰

雲間太華倚三峯
積翠遙連渭水東
遠塞雁聲寒雨外
離宮草色暮煙中
秦關日落行人少
漢畤天陰古戍空
寂寥武皇巡幸處
祠前木葉起秋風

田按元末明初詩人如吳漳楚望武侯祠詩王句子宣宮詞谷宏行經華陰詩最爲膾炙人口所謂千首不爲多一首不爲少也華陰詩見明詩綜頗有點旨字句余據明風雅列朝詩集存其真焉

陳潛夫 一首

潛夫字振祖錢塘人官國子監學正

訪沈士怡丹房

繞屋丹光炫曉霞隔溪山色映鷗沙幾回談笑停杯坐簾外

春風落杏花

沈應一首

應字德慶吳人洪武中選入文華堂說書除江西參
議改山東有東礪集

楚江秋曉圖

曾記蒹葭水廟東客心爭渡曉雞中平燕落月三湘路千里
孤舟一雁風別去鄉關猶在夢老來江海尙飄蓬何因得似
間鷗鳥兩兩沙邊睡正濃

蕭翀一首

翀字鵬舉泰和人洪武中以賢良薦除蘇州同知厯

山東鹽運副使

襄君弘西江詩話蕭鵬舉洪武中以賢良應制賦指

佞草詩稱旨
山按鵬舉劉子高詩弟子其佳句如明月不可得孤
燈還近人舊馴野鵠丹生頂新買河魚錦作鱗函關
曉霧青牛去華表秋風白鶴來殊可誦也

寄吳所與

南溪流水北溪雲無限新愁總憶君鴻雁來時天杳杳鷓鴣
曖處雨紛紛郎官湖口江流合武姥峰頭樹色分相去只緣
三十里此生何事苦離羣

白范一首

范字以中錢塘人列朝詩集明詩綜作山陰人余據萬曆錢塘縣志改正洪武
中黃州府同知有虛室集

田按以中爲岐陽王客岐陽府第有西塘之勝以中
作西塘八景詩徐大章稱其清切精緻吐辭有盡含
意無窮誠爲雅製惜虛室集不傳

公樂驛有懷出關二公子

武英同受詔萬里去從戎自笑蠅隨驥番成燕避鴻心飛灤
水北魂黯薊門東回首崆峒樹依依夕照紅

周築

一首

纂字仲方吉水人洪武三年舉人官台州同知謫戍
廬陵復起爲訓導

王均章畫虞山圖

中陽山人恩超逸圖寫江山用金碧滄海紅塵幾度飛特向
人間留妙蹟層巒萬疊煙靄浮禪宮道院當山頭浮屠屹立

遙漢外危石正瞰清溪流平橋渡水西林去草屋茆亭隔煙
樹童子撫筇獨鶴隨仙人背立溪橋路前山巒疊知幾重懸
崖怒瀑飛晴虹漁舟影沒汀樹遠牧笛聲斷江天空中陽妙
手誰復擬咫尺依稀如萬里仙巖有路疑可到便欲振衣凌
拂水君不見吳山吳水南海墻隨閭老人留七年紅橋畫舫
姑蘇市晚稻香梗湖上旧江山千里總奇絕我昔思歸情惄
然還君此畫一長歎花外聲聲嚦杜鵑

練高二首

高字伯上新淦人元季領鄉薦洪武中召爲起居注
直言忤旨出爲廣德州同知厯臨汀鎮安二府通判
有集

田接伯上詩音節高亮虞伯生王子充爲作集序惜
今不傳楊東里云清江劉仲修旣冠未知學因過婦
翁同郡練伯升翁長子壻也簽有文譽翁家特異視
之而庸眾人視仲修旣歸發憤就學日夜不懈學業
大進時學更出伯升右余檢練中丞遺事錄伯升伯
上弟也著作今亦不傳

寄參謀劉彥昺行軍已度劍關次韻志喜

遙駐旌旄已渡瀘壘槩父老迓前驅幕中司馬徵韓愈滿上
將軍詔亞夫金甲羽弓朝洗箭銀燈虎帳夜投壘應知橫槊
題詩處錦瑟凝歌翠袖扶

送張起潛之柳州

潯水環城擁翠來柳陰府署倚雲開唐祠侑食歌丹荔漢柱
銘功篆綠苔日落雷塘雲霧合虹消桂嶺颶風回南行無雁
音書少別思綿綿不易裁

史遷三首

遷字良臣金壇人洪武中用辟召除蒲城知縣遷忻

州知州復知廩州

田按良臣詩尚真率卻無慢聲俚句

菌子詩追和楊廷秀韻

松花岡頭雨急坡陀流膏瀉香汁新泥日蒸氣深入穿苔
破蘚釘戢戢如盤如芝萬玉立紫黃百餘紅閒十燕支微匀
滑更溼傾筐盛之行且捨天隨杞菊設苦澀采歸芼之脫巾
笠桑鵝楮雞皆不及嫫姑天花當拱揖鹽政作羹炊玉粒先
生飽飯踏曉日更遣樵青行負笈

簡王原輩

東郭道人才大奇置身散地任支離阿誰或訝嵇康懶此老
真成濟叔癡白日放歌盃在手青春作夢草生池輞川圖是
傳家譜留得當年絕妙辭

漫興

好風輕雨趁輕雷一洗山川罨畫開誰道衡門無過客春深
還有燕飛來

吳文泰 一首

文泰字文度吳人洪武中涿州同知謫戍雲中卒有

愚菴集

姑蘇志吳文泰耽於詩清才逸思雖稚憂困而嘲弄

不輟吳先賢讚吳文泰與丁敬遊無日夕咏不休二人
者嘗閉戶共爲詩人見其突兀無煙往視之則方瞪目

相對亦忘其側也語皆厲苦若孟郊益僻寒矣

送人從軍之永州

嗟君此別向南州路驛迢迢萬里秋愁斷猿聲非故國夢迴
月色在孤舟湘潭水落魚龍遠衡岳雲開霧雨收聞說從軍
還有樂不須懷土更登樓

程煜一首

煜字彥明揚州人寶坻縣丞

過太湖

擊楫中流去西風客思催地吞南極盡波撼北溟迴鯀館懸
秋月龍宮起夜雷涒澦纓人不見長嘯倒金磬

吳斌

四首

斌字韞中休甯人洪武中用薦授溫州平陽縣主簿

有韞玉山房集

田按韞中詩學太白頗有奇偉之觀

次韞戴尙文遊顏山

美人契遇想濯足青蓮池我亦恩攀援騰空躡雲螭蒼茫送
遠目直接扶桑枝天低流景迴風遠浮雲馳萬籟受荼毒生
死皆非宜仙人與佛子縹緲何須期吾當問青天願借箕尾
騎

雜詩

豫章在高嶽挺然出喬林雲胥接飛軒川谷涵清陰龍鱗結
翠色貞圓如精金粹人構珠殿飛斤欲相尋雖憑萬牛力賴

此春山深大材失平地倚樹空沈吟

青州歌

青州高城雄九州城門天上飛瓊樓羽林兵衛若熊虎劒戟耀日寒光浮迢迢紫陌香塵起車馬爭馳迅流水飛甍萬井碧鱗鱗綠樹連陰柳營裏嵯峨城闕帝子宮天人遙鎮滄海東海波鏡淨寂不動鯨鯢不敢揚天風樓上銀燈漏初歇畫角龍吟泣霜月寒聲蕭颯落梅花吹作征人鬢中雪

宿密多嚴蘭若

寶刹倚青漢金宮瞰紫煙巖巔明秀木天籟落飛泉香窟幽僧定雲房逸客眠澄輝滄海月應與此心圓

雷燧

一首

燧建甯人洪武初南陵知縣

贈南陵劉章甫

仙嶺閒尋採藥翁草堂留話數宵同要知山下雲深處只是人閒路未通泉領蘞香來洞口月將松影過溪東求名身在閒難遂明日馬跋塵土中

葉子奇

四首

子奇字世傑龍泉人洪武初用薦授巴陵主簿有集

因接子奇所著有太元本旨九卷草木子四卷範通元理二卷本草醫書節要各十卷齊東野語三卷詩集十六卷文集二十卷今所有者惟太元本旨草木子二種子奇博學多通小詩亦翩翩有風致

題張原琛蓬窗

銀絲魚鱠碧芹羹曾記扁舟越上行今日小軒風味似滿川

風雨看雲生

縣舍卽事

朝日閒衙暮散衙略無一刻及春華偶過縣舍坡陀外隨分
春風領菜花

岳州歌

綠波晴漾白蘾池郭外人家有酒旗客恩獨如楊柳樹春風
愁緒萬條絲

寓玉清觀

徑草微微護淺沙小山叢竹玉清家牽牛延蔓無多碧點綴
秋光一兩花

明詩紀事卷二十二

貴陽陳田輯

甲籤

胡奎 四十一首

奎字虛白海甯人洪武中以儒學徵授甯府教授有
斗南老人集六卷

四庫總目奎生元至順間嘗遊貢師泰之門集前有甯
王樞序朱彝尊靜志居詩話稱吾鄉雲東逸史曾手寫
錄其棄舊藏項氏天籟閣繼歸高氏稽古堂後爲耕
山馬思贊所藏案今世所傳奎集皆出天籟閣鈔本
止有四卷前有項元汴題識而無甯王原序此本爲本
明初甯王府文英館所刊見於甯府書目崑山徐氏
傳是樓又從原刻影鈔實分六卷凡詩一千九百餘首
與項氏所藏互校乃知彼多所脫佚不爲足本觀
甯王序中載宗哲徐將軍居西山有道士過訪食蘿
道士吟一絕句云一拳打得地皮穿握手東風不放

拳只待杜鵑啼血後放開鳳尾始朝天問其作以
簪書斗南老人四字時先生未有是稱後得先生橐
葬尊靜志居詩話獨未採錄知葬尊所見惟天籟閣
殘本其記望湖亭事亦從都穆南濠詩話摭入耳奎
詩不事雕飾往往有自然之致葬尊謂其功力既深
格調未免太熟誦之若古人集中所已有者其言誠
不爲過然春和雅其長處亦不可掩視後來之掇拾
摹擬者固有間矣

清江集虛白從民曹貢公玩齋學詩公爲指授三經
三緝法及論漢魏以下之變故虛白未三十已進於
詩凡觸物而成者粲然春翹之擢穎翕然天籟之掇

曲

詩談海昌胡蘆白一鶲橫秋羣鳥欲翼
七修類纂浙省員外郎張光弼名昱廬陵人元末政
壞遂棄官不仕以詩酒自適號一笑居士嘗曰吾死
固胡虛白作詩以弔云二仙坊裏張員外而曰相逢
只論詩今日過門君不見小樓春雨燕歸是西子湖
頭碧草春天留山水葬詩人老逋泉下應相見爲說
也梅花寫得真二仙坊在杭之壽安坊西卽今之花市

田按虛白長於樂府七言斷句風藻翩翩殊有標致
余所見斗南集係影鈔甯國文英館本與四庫著
錄一千九百餘首之數適合詢爲罕見之妙詩綜第
六詩不足見其所長特廣爲甄錄與海內該藝家
共賞之

題廬山圖

我昔夢五老翱翔綠雲中濯足銀漢水上與天門通清猿夜
啼月夢回迴寥絕遙遙紫霞想忽若千年別昔向夢中見今
從堂上看林巒如夙契煙翠生高寒此境何時遊我夢難再
續悵望九疊屏白雲滿空谷

東園漫興

池荷生夕涼快雨飄然至窗虛延竹色林暝散花氣地偏人
事簡迷我幽棲志緬懷心所親伫立凝遠思

西池晚酌

方池散文漪微颺坐來爽歸禽各已息華月從東上故人適我趣携尊共延賓隔水聞疏鐘令人起遐想

孫臏

孫臏古名將龐涓俱學兵刖足見齊使始識田將軍指麾輜車中號令若風霆引兵走大梁遂解邯鄲城救韓示怯戰減籠功乃成馬陵書大木弩發如流星破鼈信千里刑餘安可輕

長歌引

短歌歌不足長歌斷復續六龍之車海上來千秋萬古無停轂
碣磯雪推霜入鏡中坐見綠髮如飛蓬滿堂窈窕春花紅長

歌一曲歌未終西陵臘樹生秋風

秋夢引

井烏啼月銀床冷轆轤聲斷青絲綆美人夢逐絲雲飛鸚鵡
隔窗呼不醒小鬟臨鏡雙盤鴉熏籠火熳篆煙斜一寸方心
化蝴蝶飛來自采夫容花

巴陵女子辭

青楓嶺頭月照見巴陵女兒血血書石上痕不消祠前古樹
風蕭蕭

迎龍曲

朝迎龍暮迎龍旱火燒天龍在宮縣官投牒石潭中山南山
北鼓逢逢蜿蜒躍入楊枝水山雲一縷隨龍起龍未離山雨

到城城中三日不得晴明朝打鼓送龍去願龍十日行一雨
種田有水刈麥乾年年謝龍神亦歎

白苎詞

翦冰綃縫雪縷館娃宮人越溪女回風吹雪長袖舉玉階續
紛落花舞白月墮地河星高流雲卷空翻翠濤宮門魚鑰夜
迢迢

長平箭頭歌

戰長平四十萬人同日坑古苔蝕血銅花青千年金鋒摧白
翎空遺黃金鏃不射秦時鹿西出咸陽門哀哀鬼夜哭

禹家墓

石門山前箭如雨朝別良人暮爲鬼石門山下百尺泉一日

身死名千年至今石門山下路烈婦人稱禹家墓墓前斜日
一僧歸即是當年十歲兒

穠李詩繫禹氏名淑靜吳守正妻居崇德石門鎮元
季苗獠之亂亟與夫操舟以遁苗及之叱淑靜止淑
靜度不免遂抱幼女投水中死明日得尸僵立如生
葬其地守正入越亦死兵間遺孤德昂無依去金
華山中爲僧後度錢塘省墓宋學士演序以送之稱
其至孝有偶行會修元史德昂入京以母死事告於
史氏遂得列傳歸虛母墓榜曰白雲先塋鎮人表爲
貞母阡徐一夔有記胡奎有詩

垂虹亭晚泊

泊舟垂虹亭水氣秋冥冥氾濫露浮白依微天倒青鐘聲臨
水度漁唱隔林聽賴得知心友因傾雙玉醑

寄震龍門和尚

安平池子上不到十餘年石老三生夢茶枯一味禪澗泉通

屋下山雨落尊前我亦除煩惱還來了勝緣

和賈徵君韻

憶昨放舟相見時繫繩宅前楊柳絲別來晴雲碧冉冉看過
秋葉紅離離茶煎雪水同誰喫書到柴門有夢知晴日半窗
初睡起水仙花畔和君詩

次禪上人韻

上人白毫應壽昌寄來草聖通鍾王蓮花漏點禪心靜蘋葉
雨聲詩夢長出海神龍還問法上堂侍者慣燒香南州八月
尚煩熱渴想一梧甘露涼

寄友人

東里先生眉最白南州高士眼終青蓬萊弱水三清淺蝴蝶

莊周一夢醒今日好書封禪囊他年還築聘君亭看山樓外
秋無際誰識天邊處土星

林谿

谿上青林林下谿南州卜隱草堂低水生酒舫高過屋花落
樵徑淨無泥鄰翁把釣得春鯉童子煮茶聞午雞白頭也欲
采芝去好在洪崖丹井西

玉階怨

露下瑤階冷流螢溼不飛長門今夜月特地上秋衣

山鵠鵠辭

江上有山復有山鵠鵠啼處兩斑斑一聲兩聲行不得南船
北船朝暮還

仙人詞

金盤背上染珠宮千歲桃花幾度紅曾見茂陵松柏下銅仙
清淚落秋風

唐宮行樂詞

明日內家遊上苑許教鬪草賭金釵怕人先記花名字隔夜
潛偷玉篆牌

過浦賦竹枝詞

雪後江南春到時鵝黃已染楊柳枝東風不解離別意一日
愁人千萬絲

次韻王繼學灤河竹枝詞

灤河杏花如雪匀小雨三日不生塵
礪頭少婦勑郎酌花如

人面草如茵

太湖竹枝詞

第四橋頭楓葉青白龍吹雨浪花腥過橋買酒待月出今夜

夜宿垂虹亭

簡員外張士諤

晉省題詩白晝閒春寒繫馬百花間船頭載得官瓶酒來看

江南雪後山

題揚州觀月圖

好月多情不待招滿江風露夜迢迢分明記得揚州見只欠

瓊花與鳳簫

題繫馬圖

日日黃塵淹馬足誰能占得午陰涼天闊芻豆無多戀好解

青絲八尺繩

過陸龜蒙書院

太湖水落秋冥冥七十二峯相送迎扁舟遠訪天隨子日落
荒祠楓葉青

江上漫興

江上鯉魚吹白波舟人打槳唱吳歌斜風細雨家千里輸與
元真一釣蓑

小桃花落雨毵毵桑葉青青試浴蠶好山好水魚米賸人生
只合老江南

臨安勝覽

紅泥亭子赤闌橋一入女兒眉黛嬌手折荷葉蓋頭去瓜皮
船不怕風潮

次揚州鐵笛漫興韻

南山北山眉黛青日日載酒望湖亭買得湖船十樣錦醉倒
美人雙玉鉢

紫薇花下

天棘移來一尺長呼兒燒水傍南牆柔條盤作青羅蓋借我
山窗一夏涼

輓榮教諭

江風山月夢悠悠白髮三年在惠州詩骨梅花雨潤絕此身
只合葬羅浮

題松

丹井西頭只一箇香爐側畔恰千株
何當著我坐盤石童子掃花間讀書

移竹

山蕉葉畔偏宜竹借我南窗一夏涼
八尺簾紋清似水秋聲月色兩相當

題樂工湯子玉琵琶手卷

七尺烏藤手自扶東風吹雪上頭頤梨園傳得龍香撥借問
春愁撥得無

瓊花高髻有千嬌一曲揚州獨擅場
不有詞人與子敬無人知有賀新涼

春日東園漫興

竹裏閒門稍向東隔簾吹過杏花風青苔一徑無人迹時有山禽啄晚紅

長日南窗一卷書更憑何物稱閒居睡魔也自相欺得茶鼎熏鑪儘破除

和望湖亭東坡原韻

鷗外清波雁外山望湖亭下繫歸船夜深起坐占風信人在珠宮月在天

南懷詩話海窗胡教授虛白洪武間歸自江西泊舟
岳君之望湖亭見亭上石刻東坡詩一絕虛白賡其
韻書之於壁忽有老者來誦其詩曰子非斗南老人
耶乃爲長揖舉首不知所往虛白因自號斗南老人

王翰

八首

翰字時舉夏縣人洪武中以經明辟夏縣訓導改平
陸遷鄖陵教諭擢周府長史棄官復用薦爲翰林編
修謫廉州教授夷獠亂城陷抗節死有倣希集梁園
寓稿山林樵唱

四庫總目翰始抗驕王終殉國難其立身具有本末發
爲文章率具剛勁之氣故古體往往有質直語然自
抒性情無元人穠纖之習七言古體聲調亦頗高朗
朱彝尊輯明詩綜未錄翰詩當出未覩斯集
夏縣志王翰結廬中條山有所得取落葉書之風起
輒飄滿澗谷中按節高歌聲振金石

田按時與先世祥符人父仲文爲夏縣令遂家焉
四庫提要禹時舉禹州人不知何據余檢禹州人物
志無此名惟於藝文載王翰梁園寓稿當是據提
要採入也時東坡蘊藉中特饒秀勁之色久而述懷
云臣時蘊藉氣奇策憂國衰殘負此心蓋身事驕士
憂時之恩見平篇章卒以數諫不納佯狂斷指去再
官廉州以身殉成名節完人豈獨以詩傳哉

題上清張眞人畫陰厓長嘯圖

穹厓壁立三千尺萬挺蒼官並厓立半空垂瀑似飛龍怪石
秋陰護苔色水邊鶴立似神仙意欲飛空凌紫煙白雲不隔
華陽洞綠波遠入桃花源羽衣翩翩無覓處萬壑千巖鎖煙
霧龍吟虎嘯下青冥天風振落三花樹上清宮中仙子家興
來繞筆飛煙霞璇門一嚮閬千古但恨不得隨仙槎

鑄鏡行

妾念嫁時新鑄鏡鑄成團圓秋月色從夫從軍藏入匣鏡而
已昏妾面隔紅顏落爲霜葉枯綠髮已隨秋草白妾顏雖改
心不轉手携圓鏡情脈脈昨日書來在桑乾新衣未寄舊衣
罷秋風入戶吹羅幌妾身未衣念郎寒何時降王來款塞罷

負長戈卸征鎧歸來對鏡試春衫團鏡重磨妾埽黛

題山居幽趣圖

幽人愛岑寂林下築幽居觸石雲生谷通泉溜決渠鶴眠春
院靜猿去晚林疏時有采芝客商歌振碧虛

過湖口縣

澄江東去急南漿入湖深林密藏秋雨山高倒夕陰麗誰臨
小縣佛閣出遙岑當趁風鴻便無由得賞心

送河南王府判考績

三年佐治住東周又入南轍報政秋千里暮雲迷汴水一瓊
疏雨別嵩邱鳳臺晚上留新句虎監春行訪舊遊料得歸期
在初夏枕藜携酒待仙舟

陵陽春曉圖

陵陽山下林亭好更有高人爲卜隣幾箇修篁鳴翠雨一溪
流水隔紅塵靈龍過澗能迎客幽鳥到窗如喚人少住梁園
驚歲月春來頓覺夢歸頻

秋懷

秋窗昨夜秋風起百感心成一寸灰千里雁來書未至五更
蟲語夢初回地連洛汭浮雲斷山接滎陽夕照開何日黃河
航一葦中條山湏望青臺

南陌詞

南陌東邊楊柳枝長條拂水綠參差行人不似枝頭絮也有
無風到地時

管時敏二十一首

時敏名訥以字行松江華亭人洪武中徵拜楚府紀

善遷左長史有秋香百咏蝴蝶還鄉紀行等集

四庫總

目時敏學詩於楊維楨而不蹈襲維楨之體所

作春容

淡雅多近唐音張汝弼作董紀集序歷數松

江詩人獨謂時敏詩清麗優柔足與袁凱方駕蓋不

誣也

丁鵠年海巢集時敏詩體製嚴整間出新語亦復清俊絕句詩元人惟龍麟洲范清江虞青城得晚唐三昧時敏絕句俱有法度豈非嘗私淑於三公故耶

秋夜

不寐耿長夜攬衣徒歎欷陰蟲吟近砌涼飆動疏帷素抱殊未釋清歡念多違豈惟南飛鵠茲夕無所依

少小從行伍

少小從行伍千金購武裝日騎官廄馬夜宿酒家倡知已甯
論死臨危肯畏強蠻夷知姓氏不敢犯封疆

發新河次韻

自忝王門祿頻年此地過秋風迴遠道暮雨宿新河白浪鷗
邊小青山雁外多客杯相慰藉一酌總恩波

遊寶林寺

金碧絢樓臺禪閣向北開水分雙澗出雲擁萬峯來古佛遺
香火殘僧話剗灰黃塵吾老矣何幸一徘徊

送宗師還玉泉寺

省師何處去古寺玉泉清山笠披雲過江船趁月行拈香參
祖塔乞食到王城此去傳心印應知道可成

過田家

偶過吳家墅殘陽半掩扉遠汀低樹密小徑雜花稀新酒浮
芻釀鮮鱗墮釣肥年來任疎懶一醉卽忘歸

過洞庭

湖上東風水似天渚花紅白共春妍蒼梧二女墳前路青草
三閭廟下船舷室納機聲札札龍宮珠珮影娟娟官間更遂
南遊興借榻君山寺裏眠

宴徐氏櫻

高宴徐家池上樓座中賓客最風流東城美酒休辭醉南園
佳人自解愁晴日遊絲當戶落煖香風篆近簾浮歸時不用
山公馬短棹春波正滿洲

清明感懷

十年宦學楚江濱
老景垂垂上此身
種柳忽逢三月節
看花又過二分春
青山風雨多新鬼
白髮江湖少故人
東嶽墓田千阜下
可堪回首一沾巾

和鶴年丁先生宿東巖韻兼呈洪山海禪師

借榻東巖第幾層
山中玉舍佛圖澄
浮榮過眼窗非夢
清苦前身本是僧
齋罷雲局時聽誦
詩成雪屋夜懸燈
虎溪有約仍三笑
自愧爲官老未能

修竹芙蓉

水仙小隊自成雙
裊裊霓裳引翠幢
一夜湘君頭盡白
西風離思滿秋江

題立真詩意圖

千峰雲氣涌如泉遠樹微茫斷復連祇有大夫橋下路青山
都屬釣魚船

題倪元鎮先生小景

泖上相逢記昔年風姿曇曇似神仙如今看畫潭疑夢春樹
雲連一惘然

京中懷季翔

百壺佳醞透鄰香出水新魚滿尺長阿母微醺孫在抱芙蓉
湖上好秋光

夜泊艤港

去去歸程汎急流打頭風起又維舟不因采石千罿酒那解

青山萬古愁

答顧謹中

九點吳山夢裏青遠煙疏樹晚冥冥何時買得螭頭舫秋水
菱歌泖上聽

紀夢

小宴初闌罷玉笙東風庭院好春情流鶯啼過東樓去一樹
梨花正晚晴

題奚瑄雲山佳處

羣峯競秀遙儂家流水當門石徑斜閉戶不知春已去白雲
滿地落松花

夢成

大溪溪上清風屋小草幽花分外香白鶴一羣飛不定萬株
松下讀書床

詠菊

越娘初試素羅裳愛向秋風學靚妝一夜不勝瓊珮冷晚香
亭館有新霜

白西施

秋水池頭看闌鵝霜毛零落粉香多不知滿地誰收拾翦作
寒花照碧波

翦鵝毛

田該四庫提要稱時敏秋香百詠在集外別行見周子治所作全菴記中今皆未見殆以而佚余從松風餘韻採錄二首亦秋香之贍馥也

林溫一首

溫字伯恭永嘉人官秦府紀善遷長史有栗齋集

送樓士連之官四川仁壽分韻得知字

見說蜀中天下奇一官萬里去何之雲連古棧驅車遠江繞盤渦入棹遲落日秋風神禹廟黃鸝碧草武侯祠尋幽好載
郭筒酒縣令相過是故知

貝翹一首

翹字季翔崇德人助教瓊子洪武中官楚府紀善有

平潛集

閒居

閒居不是爲逃名野性從來少宦情況有林塘供嘯咏且無冠蓋費逢迎夕陽山好樓中見春水船高樹杪行何處飛來如雪鳥相親相近不相驚

張璧

一

璧字景辰陳留人徙松江華亭洪武三年鄉舉除潞城知縣終獨府典寶

松江府志景辰與同郡俞嘉言陶南村李處仁爲文學友嘗校文福建歸林崇高畫閩溪放棹圖送之陶南村題句云一棹閩溪下瀨船千巖萬壑路句連榕陰處處浮嵐外杜宇聲聲落照邊考試來臨多士上官遊向在十年前故人分手難分別寫得雲山上蜀牋景辰好題詠凡交遊卷軸每題必署尾曰陳留張璧

嘉禾

城頭倒影落湖波湖上風帆鏡裏過歸客自炊菰米飯小娃爭唱竹枝歌梭頭艇子輕於葉雪色沙鷗白似鵝此地將軍戰時血春來丹漬蘚痕多

桂衡 一首

衡字孟平仁和人洪武中錢塘訓導改山東授谷府
奉祠有紫薇稿

歸田詩話庚辰歲秋權停江北五布政司學校子在
河南孟平在山東各齋學日赴禮部交納孟平訪予
於大中街旅舍相見甚歡予置酒出紀行返棹示
之孟平贈詩有江湖得趣詩溢卷故舊忘懷酒滿樽
句云捲起綠袍袖助教孟平授谷府奉善助教亦好作
詞見之大喜其善舞個大濟郎王達善助教亦好作
工詞嘗手書百篇寄予孟平後卒於長沙日課之
事零落所寄詩亦被人取去獨題前燈予詩有日課之
卷首幸而存焉乃訓導錢塘邑人庠日薰與同所作亦遭難載家之
閑爲古春以桃花染性情秋將沈桂子鳴日言語感離撫今
遇心怀道是無憑還有憑沈桂子悲鶴失造化
一簫倚月宵翦燈條是惡鎖鵝荷無鵠欲帳底薰
念才萌方寸移善惡鎖鵠悲鶴失造化
吉時已事卷二十二
右

之丈夫未達虎爲狗涇足滄浪泥數斗氣酣骨粹錚
花月妖茫塵海涸萬點落落雲松酒半瓢世間萬
事泡幻耳往往有情能不死十二巫山誰道深雲母
屏風薄如紙鶯鶯宅前芳草迷燕燕樓前明月低從
來松柏有孤操不獨鴛鴦能並棲人在錢塘江上住
處還君此幅長嘶歌便欲酌以金叵羅醉來呼枕睡

一覺高車駒馬遊南柯

田按水東日記云荊人桂孟平卒於長沙子嘗得其
詩文手稿一帙皆紙背也蓋洪武二十年在錢塘學
館所作其正則其學者日課題目制作字畫皆有可
觀命萬全訓導張升選得六篇今摘其警句云山中

春暮

忍將愁眼看韶華桃李無言日影斜晚白菜肥蠶出火冬青
花落燕成家歸田誰復如賓籩入室今惟對影嗟無可奈何

聊一睡不勞春夢繞天涯

時孟平襄偶

黃架

一首

榦字體方新淦人洪武中徵爲周府伴讀

歸田詩話沐梁爲宋東京遊宦者少得清暇以遂冥賞之樂當時有賣花擔上觀桃李拍酒樓前聽管絃之句伴讀黃體方續之云雨後泥塗填紫陌風前塵土障青天蓋街道無溝渠又不用磚石甃遇雨則行潦縱橫而地迫黃河風起則塵沙蔽日不可開目嘗集體仁門體方戲語同列云此所謂東郭輞紅塵也續玉笥詩談邑人黃架所在國初以才子徵爲周王府伴讀余求其集不得所有著有詩海珊瑚其自序云僕學詩數十年讀詩數萬篇求其渾然天成之句於百中得一二錄爲一帙命曰詩海珊瑚所選皆五言佳聯而附以已作其五言云風月雙清夜乾坤萬古愁水天同一色風月自雙清雲生雙澗口人坐兩松間移舟秋水渡載酒夕陽亭玉宇秋無際瑞臺江月正明滕王閣云江湖襟帶外棟宇斗牛邊七言長雲東南形勝分天塹多少英雄據上游扁舟一日

馳雨四時子休然中便人花里兩岸青山過萬重閭中云千哩連海起青山煙
爲客竹千像中雲秋人愁木赤壁般春山云太湖云白晝風雲連海起青山煙
急綠容邊心客久深食鹿云愁木赤壁般春山云太湖云白晝風雲連海起青山煙
惟雪寓旧曾到馬雙父開門數處人忍久深食鹿云愁木赤壁般春山云太湖云白晝風雲連海起青山煙
稿按見家皇駕路半外數處人忍久深食鹿云愁木赤壁般春山云太湖云白晝風雲連海起青山煙
店聯中體其梅華鵝茅夜雨半外數處人忍久深食鹿云愁木赤壁般春山云太湖云白晝風雲連海起青山煙
唇句多方送雨路江屋雨半外數處人忍久深食鹿云愁木赤壁般春山云太湖云白晝風雲連海起青山煙
亦圖體周長歌中孤園獨暑生疏明風餘無誰雲半間三山客況云身似無官
風時方府歌中孤園獨暑生疏明風餘無誰雲半間三山客況云身似無官
雅題唱伴頗頻樹一村天密密雨纏寒衣山谷曉起白雲翻海游風
好事句和諧似有白入村天密密雨纏寒衣山谷曉起白雲翻海游風
事云之時太得雁夢行天色晚涼新野橋柳驚起流紅花雨過風
作王白失天天看野岸草木新野橋柳驚起流紅花雨過風
子體時今去天涯岸草木新野橋柳驚起流紅花雨過風
清方舉不帆離歸人秋晚行沙洲三秋晚行沙洲三
標與長史時舉梁園骨已仙楊景華作要將大

過陸象山墓

西風匹馬駐郵亭茅屋雞鳴尙未醒野寺秋聲三徑竹石橋
雲氣一潭星寒欺短褐霜華白水落平田野蔓青師友家傳
今寂寞欲移文字問山靈

羅昭

一首

昭字景南武進人洪武癸酉舉人授吉州學正擢右
春坊司諫皇孫出閣簡爲侍講提學左長史

出京

頻歲還山願今朝得遂初風塵雙鬢雪行李一囊書秋草天
低處春宮鶴夢餘懷恩難遞別回首幾躊躇

曹憲

一首

璫字東白歙人洪武中舉明經授本府訓導遷遠府審理

苦熱

六合炎炎暑氣浮火雲如水向西流南風不解人間悵只在君王殿閣頭

陸闈三首

闢字伯陽揚州興化人楚府伴讀有友蘭集十卷

東里集伯陽長於詩古體宗魏晉近體主盛唐兼工書法極力鍾元常王逸少父子常曰去此非第一義畫山水木石亦爲當時所重

巫山高

巫山高望不極十二奇峯插天碧巖花開落春復秋萬壑猿

聲江水流煙樹鬱蒼蒼巫峽深且長至今朝雲與暮雨豈有
神女來高唐風流宋玉自多才行人何必問陽臺

臨高臺

層臺望不極望極思茫茫鄉樹連天遠雲山接海長徘徊日
將暝忽見飛鴻翔所思未能去離憂徒自傷

秋夕

微風動修竹明月上高嶺沈沈露氣涼寂寂漏聲永河漢遠
橫空梧桐散清影悟淡已忘言悠然心獨領

陳南賓

一首

南賓名光裕以字行茶陵人元進士授全州學正洪
武三年徵爲無棣丞歷膠州同知入爲國子助教擢

蜀府長史有安老堂集

題墨竹

九疑何處泣湘靈，汗簡裁成數尺綾。
鶴馭已迷蝴蝶夢，龍香猶瀝鳳凰翎。
將軍節操凌冰雪，主器文章麗日星。
白髮小臣懷舊德，塵埃遺墨淚交零。

續玉笥詩談成都天甯寺西廊有僧寮一余以重慶入省謁上官寓焉堂有墨竹一幅陳南賓題其上云云其前有題云雪樵下筆寫珊瑚意在湘江萬玉間幸得披闌洗詩眼恍如僧詩一偷閒又勤有者題云老幹垂秋雨蒼苔洗澗泉虛心三百尺高節幾千年詳陳之詩意竹乃明玉珍所寫而所謂主器者或卽昇將軍者或戴嵩鄒興輩耶勤有初是隱語豈明氏遺裔耶漫識於此

田按史稱南賓洪武二十九年與方孝孺同爲四川考試官詳味詩意似爲惠帝而作何平明氏事耶

明詩紀事卷二十三

貴陽陳田輯

甲籤

陶宗儀十七首

宗儀字九成黃巖人洪武六年舉人才至京以病辭放歸有滄浪楫歌南村集

四庫總目陶宗儀南村詩集四卷是集不知何人所編考其題中年月及詩中詞意入明所作十之九惟燒歌鼓吹曲諸篇似爲元時作耳其編次年月頗爲無緒殆雜收遺棄而錄之未遑註次又顧阿瑛玉山草堂雅集所載微懷樓七律一首送林上人七律一首皆不見收知非宗儀自編也毛晉品其詩如疏林早秋殊不甚似然格力遒健實虞楊范揭之後勁非元末靡靡之音其在明初固屹然一巨手矣

孫作滄螺集陶先生宗儀沖襟粹質灑然不凡務古學無所不窺出游浙東西師潞國張公翥永嘉李孝

尤先京兆杜本問文章爲事故其繩檢家法過人遠甚
帥官刻志學杜工部文章爲事故其繩檢家法過人遠甚
接病免藝圃一撫掌溉壅身自爲之間遇勝日引觴獨酌歌酒自得
士誠開闢姑蘇數郡之士畢至其部
加謝不往洪武辛亥命守令舉人才以區區果蓏預度給賓祭已餘悉租蕷
士莫潤也晚益閉門著書世所共傳有詩曰
卷一百輶耕錄三十卷書史會要九卷四書備遺二
周其未厭者不預焉
十四周亮工因樹屋書影余幼時在金陵閱舊樹中老宦
十六套每一套爲數少者尙全鐫多者咸爲逸去甚
至每集有存不圖葉者陶氏當時卽有棄取未必
如是之簡此刻未出博古之土多有就寇家鈔錄者
及刻出不則昔以爲說郭盡於此更不知求其全余
說姚常弘緒林鳳清謂郭文博嘗手錄說郭一百卷其校
田坊間所有作云白頭林下一耆儒終歲樓中校說郭今
元明按汲古閣說郭出而說郭亡矣
人則亦不自毛晉始矣
十家集有南村詩四卷每疑南村
人選本多不之及大抵皆以
至牧齋引丙子率諸生赴

禮部考試疑其曾列官教授竹垞又援其乙卯人日
等詩謂此等詩可以不作而作之宜錄入明詩

四

庸收入明人集類論乃定矣易代之際非特出處不可苟卽著作亦不宜輕易下筆義嚴矣哉

擬古用陸國隱韻

浮雲蕭蕭陽涼氣謝繁綠氣化相尋繹百歲一何速達人意
有在豈復傷局促且持杯中物對此籬下菊

王風萎衰周人紀壤狂秦大漢變畦溝雕蟲蠹天真迢迢百
世下禮樂就沈淪尼父不復作聖道詎能新

聽輔師彈南薰

深邨隔疏雨一塵飛不到輔師抱古琴叩門忽遠造解囊理
冰絲下指卽高妙涓涓流水心楚楚南風操聲稀意自足味
淡趣自奧別去殊可人谿頭送清嘯

題李州銘所藏毛澤民山水

竹雪子能畫山醉來解衣盤礴羸筆力甚似荆與關板築橋
西懵懂樹灰堆筆前鵝嘴灘夕霏窮壑氣晦靄春瀑出澗聲
游涉遠岫離離斷復連湘娥綰結風前鬢若非子眞谷口宅
定是太乙元都壇竹雪子玉筍班面帶河朔氣態度美且間
鳥跡印沙文錯落螭涎行壁勢迴環物物本然具畫理妙趣
豈在講家圖窮席疎可埽邊幅入法默契烏絲闌寸楮片縑
亦可入人耳目思躋攀此圖忽落李君手時復把玩多歡
顏老矣撫是成真迹清盥題詩卷送還

南村雜賦

四首

屋小長林東村深四水通睡因間處熟愁向醉時空鵝鳴春

波綠牛羊晚照紅歲輸公賦足此筆紀田功

編圖從入甲養子慮添丁閭筆焚三策攜鋤帶一經語多鄰叟醉妖勝里巫靈俗薄何須較柴門盡日局

家貧田亦瘦身隋禮全疏囊錦新吟稿篋藤舊著書小童能理權稚子學將車何幸無榮辱長年此逸居

客分疏雨去人帶斷煙耕地曠乾坤大心閒景物清藥材書券貰琴直典衣更歲歲西疇秋深憑送此身

南村後雜賦

四首

槿樹成籬落松脂化茯苓閒開籠鶴柵時過狎鷗亭汗簡修書史持杯閱酒經塵縷終不縛何媿草堂靈

谷口蘭宜佩庭前草不薅番田栽薯蕷縛架引葡萄杜甫十

分瘦元龍一世豪賣書買農具作業豈辭勞

道隱循城曲橋低與岸平風前松子落雨後竹姑生向此得閒趣自來無宦情烏巾方竹杖林下一即更

江海謀生拙田園引興長徑分黃菊本池種白魚秧壅筆營山籬橫琴布石牀俗氛飛不到一曲水雲鄉

六硯齋筆記天台陶九成避亂泖南王叔明爲作南村圖茅堂蓬戶遠以田塘水碓耕犁種種備具兼以鬻爲犬猶牛宮豕相處之真江南農舍也竹樹原隰與煙霏山色那一點似而已以此見南村翁詩率之

題不愧柴桑六硯齋二筆陶九成南村圖余見叔明雲西輩數本矣今又見杜東原南村十景圖磅礴蒼秀極得北苑遺法其景曰竹主居蕉園來音軒閣陽樓拂鏡亭羅姑洞蓼光菴鶴臺漁隱蝶室杜自題云余少遊南村先善不意先生去世忽焉數載偶從荀中得南村最相別墅友村十詠吟誦之餘不勝慨暮聊圖小景以志不忘圖成暨友

卽置之故齋中一曰紀南過訪檢出相示欣然謂先君可從此不朽傳之後世猶令人知舊中邱壑強欲持去遂命錄先生詩於後并題數語而歸之正統己亥春三月旣望京兆杜遵識
田按九成南村圖王叔明倪雲林皆有畫本著錄於郁逢慶書畫題跋記汪柯玉珊瑚網余又檢梁章鉅退菴題跋有黃大痴爲九成作南村草堂圖軸張丑清河書畫舫有吳仲圭爲九成作野竹居圖卷後有詩跋十餘人始錢維善訖王冕則元四家皆爲九成作圖矣九成博雅好事故爲名流引重如此余錄九成南村雜賦附著南村畫本於此以爲誌勝地者作南村故實焉

簡顧秀才

地偏春自勝市遠客尤稀草閣開清畫谿航載落暉雜花晴
篋篋輕燕晚飛飛問訊東鄰老還容覓釣磯

和董良史憲僉西郊草堂雜興

清溪脈脈抱虛堂新竹娟娟過短牆問柳尋花春事晚投壺

散帙午陰涼時將芳糗充魚餌歲會香杭備鶴糧如此閒情
真自適可無幽夢入鵝行

樂靜草堂爲衛叔靜賦

斥織芙蓉九疊屏日長客去掩聞庭岩花煖傍疏簾落階草
晴分汗簡青溫火試香刪舊譜汲泉煮茗續遺經江南定有
徵賢詔太史方占處士星

題雙松獨釣圖

雙松偃蹇水接藍幾疊遙山送碧嵐一葉釣舟輕似葦短蓑
煙雨老江南

題倪雲林枯木竹石小景

蒼玉庚庚翠袖扶墨池洗出碧珊瑚倪顛老去風流盡只有

雲林小畫圖

黎貞三首

貞字彥晦新會人洪武初舉訓導不就坐事戍遼東
尋放還有秣坡集七卷

四庫總目貞少從孫蕡學詩蕡集卽其所編次雖所造

未深而風格尚爲邁上

田按竹垞評彥晦詩多庸實余錄七言斷句三章風韻獨絕

題趙文貴畫

屋頭松檜與山齊屋外飛泉落小溪野老相逢多款曲杖藜
時過石橋西

宿定公港

四月江南煙樹濃吳山楚水寄行蹤南風吹起鱗魚美處處

山林啼郭公

泊五侯書所見

溪頭昨夜水沒磯。細雨漠漠暗斜暉。丁釗三五隔溪女唱歌。
掠亂摸魚歸。

蘭茂

二首

茂字廷秀楊林人洪武中布衣有止菴吟稿山堂雜

稿

袁文典明滇南詩略楊升菴詩云蘭叟和光臥白雲
賈生東晦挹清芬何人爲續嵇康傳題作楊林兩隱

君利光止菴別號東隱名惟孝亦能詩

田按滇自漢通西南夷後張叔盛覽尹珍許淑諸人
號爲才儕吾贊與滇接壤長通道眞遙遙名德互相

矜重牂柯河谷人各異說旣無碑志之錄又無琬琰
略謂渡濶渝白狼王等歌爲滇南韻譜之始考渡濶渝

滄爲行路所作不必滇人也白猿王歌言語侏離譯其文字殆經潤色考南詔篡蒙氏改國號曰大長和同光三年使人布變來貢作思鄉詩曰瀘北行人絕雲南信未還懸心秋夜月萬里照關山此真滇詩也有明聲與聲教斯廣洪武實錄所紀雲南歲貢國子生入監讀書者衣鈔有賜余檢程原道異隱集有送太學生假汝霖序云段僰大姓也有閩其名汝霖其字者以經生充貢太學歸省其親中原禮義之邦名門子孫若汝霖者甚不多見不圖得見斯人於殊鄉絕鄰之地矣蒼百鳥之孤鳳耶原道譽之如此惜其著述不傳於世处秀家世楊林楊林於明初爲縣隸嵩盟州升菴詩所謂楊林隱君也所著有元壺集鑑創折衷經史餘編安邊策條止菴吟稿山堂雜稿今皆不傳金馬碧雞之鄉蜻蛉螳螂之域採明詩者當以廷秀數詩爲西南雅音之首矣

四時詞

錄二

東風滿院垂楊舞料峭寒生襲金縷起傍欄杆問海棠忽驚飛鳥翻紅雨芳菲不爲少年留底用傷春易白頭卻展茸茜

坐花底玉奴紅袖奉金甌

湘簾捲上雙鉤玉寶鴨沈煙散清馥榴花帶雨脫輕紅蕉葉
含風展新綠蘭湯浴罷玉肌涼牙簟紗厨清晝長夢到可人
誰喚起一聲啼鳥在垂楊

蘭廷瑞二首

廷瑞楊林人

田按廷瑞詩見楊升菴丹鉛錄袁文典謂是廷秀弟也絕句殊有風致

夏日

終日凭欄對水鷗園林長夏似深秋槐龍細灑鵝黃雪涼意
瀟瀟風滿樓

冬夜

枕上詩成喜不勝
起尋筆硯旋呼燈
銀餅取盡梅花水已被
霜風凍作冰

唐貞一首

貞字士幹貴州人

李詩繫貞鐵崖弟子韓履祥贈貞詩前游踰嶺海

聲價動京師又有送貞還貴州詩楚山慙重巴冰

深浩浩丁魁亦有詩送貞豈其從貴竹家澈者耶

田按沈南疑云士幹疑從貴竹移家澈浦者韓履祥丁魁均有送士幹還貴州詩錄明黔詩者當自士幹始矣楷邵亭軒黔詩時不及見之

題深雲卷

軒構深雲隔杳冥一時遮斷萬山青
谷中虎嘯風搏陣洞口龍歸雨帶腥
卧石衣襟嘗自冷出林鐘磬慣曾聽披圖作者

皆前輩小筆何由問草亭

陳謨

六首

謨字一德泰和人洪武初徵至京引疾歸有海桑集

十卷

四庫總目謨集中通鑑論一篇引微子箕子反覆申明謂革代之時不必死節最爲哲理故其客韶州時爲太祖吳元年元尙未亡已爲衛官作賀表而集中頌明功德不一而足無一語故君舊國之思則與柴桑

東籬之志固已殊矣至文體簡潔詩格春容東里淵源實出於是其在明初固漸漸乎雅音也

溽暑作古意

二首

溼雲涵薄霧日光如鏡鷹楊花吹滿床燕雛嬌近人雙雙白練帶銜得櫻桃新

困多病不如塵生風自卷猿心先雨開菱花後時翦宿有錦

字書教兒床頭展

金柑花

金柑花銘霜銀雪盈極枝獨當伏日偏榮萼綠珠金彈葉重
遮半黃可恨飄篠笆數枝尙復秋始花花不成實徒紛葩高
枝蟲穴心久瘦秋高恐畏成枯槎抉蠹椎鑿何當加低株三
尺陰毫毫始自脫略茅與薜試花寂歷陰晴超秀色已似卓
梨楂后皇嘉植楚甸誇憶胙包貢天王家兼程星火疲驕陽
蓬萊歌鐘觴九霞傳柑曲宴恩波奢廬飛道斷虎奮牙下州
斬伐無根芽他園見之何悵邪天王北狩黑海涯故侯誰種
青門瓜楊梅荔子金枇杷紛紛並得登龍敍金柑花委香屑
玉同塵沙行歌花底沾烏紗歌成謾起園官嗟

別曲江參謀孫舜元

北望冰天冷南遊瘴海涼衣露柳葉露酒送荔枝漿上相憐
才美邦人浴化良向來經濟熟知不愧奠黃

題隱者山房

隱者壺中日仙家剗外天晴虹出丹室元鶴戲芝田待客沈
香火清神杓杞泉何當謝塵事閑說赤鳥年

榕樹下別參軍再賦就簡指揮

榕陰翠蓋倚重重相送城南復向東上將故多黃石略參軍
况是紫搖翁重題錦字雲生紙獨轉滄浪月滿蓬徙倚松根
看野色青山縹紗意何窮

梁蘭

五首

蘭字庭秀泰和人有畦樂先生集

田按庭秀陳一德弟子才調不及其師而音節和粹乃復相似

西畦自適

守拙一圃間衡從五畝餘藝麻在高邱雜以果與蔬春至百草生趁晴聊荷鋤筋力豈不勞蕪穢亦已除家人會知我慰以酒滿壺偶坐斟酌之日落西山鴟歸來北窗下我心一事

無

田按楊東里作庭秀墓誌稱庭秀日與故人尋山水之樂命酒賦詩任意所適於邑西柳溪之上闢畦蔬雜植花竹引泉灌注築室其中逍遙自得作畦樂詩數篇時歌以自適此詩卽其一也庭秀子濬官贊善出畦樂詩索和於同僚王希範蘇伯厚王孟揚高廷禮皆有和章附錄於此希範詩索居南野外頗於人事疏泄本蘊前庭隙地數畝餘蔬果因時藝駕言理其蘿聊以足晨夕過茲奚所須固窮諒吾分貧得嘵

書餘詩洗噪荷夙發念理時無童矯除時垂無我新匪
青梁懷我鋤已新我町物俗雅首彼復柳涯衣葵愚
山鴻抱傍往至謠嘆唯榮韻笑觀蔓草與言我門沮不時
長身聊憇蕪兼不當當篋來因取詔喧雲根孰云絕茲鼎潤樂哉
繩不以烏磈之泉險與盤鋤我邱卧有無饑計鞅不將聊晏
屋流白一哺剪脈與盤除舒娘還園樊松擔潤僅拙不世吾何自晏
自祇何感披閑春一明我春園至下懶僅亦有事逸伯大青山
通間必茲榛居陽觴月照在滿焉欣豈有敗惜筋故園潤都青可我晚
渠居役物理何釋偶照在滿木知然惜筋故園潤都青可我晚
不簪名性新所土獨城崇木知然惜筋故園潤都青可我晚
鄙紱利微條樂背坐里邱滋贊自開勤勞固潤都青可我晚
焚心終促隙取百放蘿穢鳥雀貧尊勤勞固潤都青可我晚
生無年刺地樂卉懷門猶遠孟盤潤足清荷衣褐我生叔
學繫抱瓦還農榮聊日舍揚殖足清荷衣褐我生叔
時邱區不藝圃且寬闊自未嘗著詩雜清荷衣褐我生叔
看園區紅號餘敷農雨誅予勤茲居穀潤去徒屋豈吹鬱
稷樂廷歸羣淡情高妻辛感平瓜潤鋤我生叔
氏有禮來雀農雨誅予勤茲居穀潤去徒屋豈吹鬱

題漁父圖

湘水綠於藍數峯青可數高柳一溪陰投竿擬何許莞爾歌
滄浪揚船下修渚

題畫

泉鳴一澗長雲去兩崖碧結茅背松坡境偏絕塵迹兀坐閱
古書可以永終日

贈別

門有車馬客長揖別我歸客行歲云暮霜雪沾人衣居人送
客城南道北風猶猶吹沙草君今一去來何時昨日相逢苦
不早君當爲我歌我當酌君酒酒酣拔劍起芒光射牛斗寶
劍乃神物請君慎藏之土花繡澁毋足惜風雷變化須有時

遊武山和韻

武姥樓閣山之巔數家茆屋依山前樓岩白雲晴冉冉繞林碧篠寒娟娟仙子索詩請題壁樵叟煮茶呼引泉懸高騁懷極幽賞使君佳句令人傳

唐桂芳

七首

桂芳一名仲字仲實歙人元至正中用薦授崇安縣教諭再任南雄路學正明初攝紫陽書院山長有武夷小稊白雲集略四十卷

四庫總目廬陵鍾炳撰桂芳行狀稱其文一以氣爲主今觀集中有與陳浩書稱慕蘇老泉閉戶探礎古今上下融液胸臆故下筆源源而無艱險窮追態輒謂文不可學而能氣可以養而致此蘇老家法也蓋其平生宗旨如此故所作容與透達絕無聱牙晦澀之習詩亦清諧婉麗頗合雅音

程敏政

新安文獻志朱大同云唐仲實詩清新流麗

格律高古

田按仲實武夷小菴白雲集略四十卷今罕見傳本

四庫著錄白雲集七卷蓋自程克勤所編唐氏三本先生集錄出廬陵鍾晦撰仲實行狀稱其爲詩清新

流麗出語驚人而聲調格律鏗鏘瀏亮讀之琅然愜

聽又謂太祖下敘訪問者儒僉院鄧愈以朱升唐仲

實名聞召對稱旨有尊酒束帛之賜五倫書又謂敘

人姚璵與唐仲實同迎蹕於街口四庫總目錄入

明人集部蓋與錄陶宗儀南村集同意也仲實文宗

老蘇詩亦格律蒼老其和吳生維新詩云老來懶吐

驚人語水落寒天露沙渚蚤年枉費餽荷功謾把紅

花嬾青蘂可以識其意趣矣

送鄒山長

精廬嘉樹合欣欣衆禽鳴相過豈不好胡爲千里行三年振
文鐸遺經賓滿簾英英嗜學子隔竹聞書聲埽花散幽策坐
石移殘枰詩成似白雲亭亭峯巒生昔視秋蛾飛今送春鶯

征歸來憐兒女歡笑絲衣迎父老三四人傾壺濁復清逍遙
練溪上於焉潛無營

送楊曾之浙東

佳麗金陵地蕭然爾獨居門無私客謁座有諫官書清切登
臺久光華入幙初浙東勞遠役民瘼問何如

程仲庸游京口留金山

我正無心惲似雲那堪奔走污繙塵飛花岸柳偏留客吹浪
江豚忽拜人玉帶暫拋煩轉語楞伽曾寫悟前身異時好說
金山寺幾箇漁舟喚渡頻

送湯君濟赴廣西憲幕

湯生浩氣揭晴霓白馬雕鞍新鑿蹠試吏早從公府辟徵書

親自臬侯題江天露洗星辰溼海島風清瘴雨低肅若紀綱
多暇日滿庭榕露鷓鴣覬

送鄭士恒往江西

洪都昔號殿西士晝省新聞列上台鄭老每從工部飲烏公
何待石生媒斷雲將雨侵書幌明月隨風落酒杯山猿洞蟹
皆入貢海船日日候潮來

贈別林生

青天無盡碧波長百尺雲帆挂夕陽海客音書何處寄北風
鴻雁不成行

遺懷

繁昌縣前白楊樹隨處柴門傍水闊可是夜深風露冷流螢

一箇渡江來

姚璵一首

璵字廷用歙人元至正中以文學舉爲池州路學正遷太平路教授江西行省理問所知事明初與唐桂芳同迎蹕於街口被顧問事見五倫書

野人四時辭錄一

野人看花花滿叢紅紅白白媚東風粉蝶黃蜂不知處一時飛過小園東

易恆二首

恆字九成廬陵人徙家崑山洪武中應薦至京以老罷歸有陶情集

姑蘇志易恒宋蓮峯先生丹南之後能詩廟行與袁華同爲顧氏客

梅花草堂集恒性簡淡卜居淞南之大泗瀼仰讀伏思無域內想閭地數百弓引流種樹號曰泗園興有所會嘯咏不輟以此終其身

田按久成詩自然流露不事鐫刻不愧陶精之號

鹿城隱居

盧熊所居

避俗龐公隱鹿門鹿城靜亦絕塵喧釣緣水北菰蒲渚窗俯江南桑柘村書蟲字殘繙竹筒石魚銘古刻窪尊地偏舟楫稀來往獨有煙潮到岸痕

睡起

睡起喚茶猶未醒強將物色與詩裁楊花易遣爲萍去春夢難憑化蝶來草信無名生自得驚知有性立還猜出門一笑忘情景濯足清江坐碧苔

韓奕
四首

奕字公望吳人有韓山人集四卷

姑蘇志奕雖居廛市而樂事遊覽放浪山水間褐衣芒屨一童自隨往來山僧野客家累月不去或時藉草而坐微吟長嘯人莫測其意性頴敏博學尤工於詩洪武中與王賓俱隱於醫賓既爲郡守姚善所禮乃復因賓致奕奕終不往一日與賓詣之奕走柳仰山善隨至奕泛小舟入太湖善嘆曰韓先生所謂名可得聞身不可得而見也

次韻答王宗常

嗟君荒嶺外高卧日蹉跎古道人來少閒門葉落多家貧因世難身病是詩魔一自山中別流年疾似梭

獨臥

高堂四壁空白首臥衰翁往事浮雲散餘生落日同早蟬鳴

柳樹晚蟬繞幽叢惟有青山色多情在望中

逢故人夜飲話舊

風色蕭蕭木落天故人解后會尊前青燈照影冷清夜白髮聽歌感少年身未死前惟別苦難相忘處是情牽不因世故身親見肯信人言海變田

二月二日寄友

頻年芳節雨匆匆往事閒思半夢中江郭春寒連夕雨海棠花信幾番風裏萎遠浦迷芳草厯歷青天沒斷鴻悵望思君無限意扁舟一醉故人同

王賓

一首

賓初名國賓字仲光長洲人有光菴文集吳下古蹟

詩

姑蘇志仲光博綜文籍經史諸子厯數兵政百氏小說靡不該貫制行奇狷不娶不宦姚善爲守特往求見仲光執禮抗節風軌甚高

田按高季迪周正道皆有姑蘇雜詠仲光有吳下古蹟詩一卷詩綜題作姑蘇雜詠非其實矣

蔡經家吳地記在朱明寺西

方平不見再來遊惟說麻姑去海洲人世桑田今幾變蔡經家在寺西頭

滑壽二首

壽字伯仁唐肅丹崖集作得仁先世襄城人徙儀真後又徙餘

姚自號搜甯生

四庫總目難經本義二卷滑壽注壽卒於明洪武中故明史列之方技傳然戴良九靈山房集有懷滑搜甯

詩曰海曰蒼涼兩鬢絲異鄉飄泊已多時欲爲散木
留官道故託長桑說上池獨客著書入豈識韓公貢
亦抱節之遺老託於醫以自晦者也

朱右白雲稿滑伯仁性警敏習儒書於韓說先生日
記千餘言樸率爲文辭有思致尤長於樂府

田按朱伯賢作搜窩生傳利生在淮南曰滑壽在吳
曰伯仁氏在鄞越曰搜窩生年七十餘顏容如童行

步輕捷飲酒無筭以號名世所至人爭延致以得搜
窩生診視一決生死爲無憾明史列之方技稱其好

學能詩余檢顧俠君元詩癸集僅錄一詩憾其未備
及得唐處敬丹崖集有生詩四首生於元爲遺老於
明爲逸民且列名方技無所用其斷限與韓公望王

仲光一例錄之

輓唐丹崖二首

尙想詞垣應奉辰漢廷曾詔賈生頻如今埋骨秋江上留得
文章照後塵

漢代文章晉代人誰知死別淚沾巾玉樓新就無人記定跡

蒼鸞上紫宸

陶振一首

振字子昌吳江人徙居華亭洪武二十三年舉明經授吳江訓導改安化教諭有釣鼈海客雲間清嘯二集

陸學士題跋陶振一號癯叟歸隱九峯中所著詞賦
歌行雄拔豪壯有追風逐電燕雲劍俠之氣
李詩繁振自號釣鼈生學於楊麻夫治詩善春秋
三經天才超拔吐語豪俊少有神童之名洪武間薦
授吳江訓導嘗坐衙居官房逮至京進紫金山金水
河二賦得釋改安化教諭歸隱九峯一夕死於虎王
達善輓詩云昔爲海上釣鼈客今作山中何虎人

題梅道人畫

江南春盡雨濛濛繞樹苔苔含積陰園曲疏泉石苔滑籬根

繫艇漁痕深山寒翡翠巢密葉日暮鷓鴣啼遠林此時世慮
淡如水聯床燈火百年心

林枝 一首

枝字昌達閩人有效蠶集

田按昌達詩集竹垞從林孝廉佶借觀錄之惜今不傳余檢曹石倉厯代詩選補詩一首

飛仙巖

高臺聳雲漢壁立何崔嵬昔年有仙人跨鶴茲山來殞霞鍊
金鼎九轉超凡胎空餘松下石積雨生莓苔

陸中 四首

中字與權興化人有蒲牘集二十卷

明詩統與權少遊楊鐵崖之門長而放浪江湖不平業利吳郡太守鄒奕爲之立傳

簡余處恭

林皋黃葉落漸漸動秋聲白雨朝來急金風午後清酒澆羈客況詩寫故人情因識浮梁尹雄談四座驚

思家

黃河樓前楊柳花紛飛似雪墮汀沙自知久客謀身拙可奈
逢人笑鬢華風雨一春愁裏過關山千里望中賒武昌魚美
非吾願孤枕殘燈夢到家

揚州

錦帆三月過江都借問瓊花尙有無煬帝行宮春寂寞廣陵
煙樹晚模糊東風芳草連詩社落日青帘映酒舖二十四橋
今夜月清光偏照客心孤

野齋贈日者

雲屋翛然物外清
松陰猿鶴伴平生
疏林斜照迴江影
絕壑飛泉落澗聲
讀易夜深窗月冷
垂簾秋靜篆煙輕
何人爲問揩機石
始識君平賣卜名